



古今事文類聚

新集
廿七之廿九

~~99
81~~

道通文庫
文庫6
28
81





新編古今事文類聚新集卷之二十七

南江 富大用 時可 編

金陵 唐富春 子和 刊

諸寺部

大理寺卿

歷代沿革

大理古司刑官也。舜命皋陶作士正五刑。孔安國曰

理官也。周官為司寇。晉文公使李離為理。秦置廷尉掌刑辟。

有正左右監。漢因之。景帝更名大理。武帝復為廷尉。宣帝置

左右廷尉。平哀帝復為大理。取天官貴人之字曰大理之義。

後漢復為廷尉。郡國讞疑皆慶當以報。魏復為大理。復改廷

尉以世宗為之。而郭氏尤盛。郭氏自弘後數世傳。法律子孫

事類彙編新集 卷之二十七

至廷尉者七八人
卷之二十七
梁為秋卿加卿字曰廷尉北齊復為內之卿

隋為大理寺唐因之卿一人少卿二人龍朔二年改為詳刑寺咸亨復武后光宅元年改為司刑寺神龍復卿一人掌鞫獄定刑決諸疑讞宗大理寺以朝官一員或二員判寺事一員兼少卿事建隆二年以工部尚書竇儀判寺事會要故事兼判太常卿事是也若止言寺事則其屬丞正並可行之竇儀兼判太常寺又兼判大理寺事皆一例也凡獄訟之事隨官司決効不復聽訊但掌斷天下奏獄送審刑院詳訖同書以上干朝熙寧九年神宗謂國初廢大理獄非是以問孫洙洙對合旨於是下詔以京師官寺凡有獄皆繫開封府司錄



司及左右軍巡三院囚逮猥多難於隔訊又暑多疫疾因緣留滯動涉歲時稽叅故事宜屬理官可復置大理獄天下奏案刑部審刑院詳斷置卿一少卿二丞四官制行左斷刑右治獄各五案左廳斷刑日詳刑詳讞宜黃分簿奏表右廳治獄日左推右推寺案知雜檢治卿掌折獄詳刑鞫獄之事凡職務分左右天下奏劾命官將校及太辟囚以下以疑請讞者隸左斷刑則司直評事詳斷丞議之正審之若在京百司事當推治或特旨委勘及係官之物應追究者隸右治獄則丞專推鞫蓋少卿分願其事而卿總焉建炎二年併省寺監而大理如故省卿而斷刑治獄少卿各一員元乃唐宋舊置大理寺掌審斷天下奏案凡刑獄之事以大理卿為之長

事文類聚新集

卷之二十七

六

羣書要語帝曰臯陶汝作士五刑有服五服二就五流有宅五宅三居惟明克允書舜典帝曰臯陶惟茲臣庶罔或干予正汝作士明于五刑以弼五教大禹謨宥過無大刑故無小罪疑惟輕功疑惟重臯陶臯陶為大理天下無虐刑文子大理曰大棘鄭氏談綺大理掌折獄詳刑鞠獄之事初學記凡聽五刑之訟成獄辭史氏以獄成告於王王聽之正獄成告於大司寇聽之棘木之下注正周卿師之屬竹刑棘署三尺記王制又聽獄於棘木之署白氏六帖以五聽察其情一曰氣聽二曰色聽三曰視聽四曰聲聽五曰詞聽以三慮盡其情一曰明慎以讞獄二曰哀矜以雪冤三曰公平以鞫庶獄六帖舜命臯陶刑惟明允漢尊定國道在寬仁六帖漢用平允任先張釋魏推明察選在

鐘繇 官尊九寺位重三章並同上大理寺專獄行視刑書我國家生人之司命也元微之行表重光制榮加天寵職察雲司必能利用文明哀矜庶獄陳子昂為司刑卿讓官表邈矣臯陶翊唐作士設為犴狴九則允理如石之平如淵之深三槐九棘以質以聽理臣司律敢告執獄後漢崔德正箴天降五刑惟貞之績亂茲平人不回不僻楊雄廷尉箴矧古士官為今理寺典干庶獄糾是羣司箴表類

古今事實

石蒼守法

楚昭王有士曰石蒼者公正好義王使為大理於是廷有殺人

高適宴大理寺卿

者奢追之即其父也遂反於廷曰殺人者父也以父成政不孝不行君法不忠弛罪廢法而伏其辜僕之所守也伏斧鑕命在君君曰追而不及庸有罪乎子其治事矣石奢曰不私其父非孝也不行君法非忠也以死罪生非廉也君金之上之慮也臣不敢失法下之行也遂不離斧鑕刎頸而死于庭新序

李離伏罪

晉文公時李離為大理過聽殺不辜自繫曰臣之罪當死文公令之曰官有上下罰有輕重是下吏之罪也非子之過也離曰臣居官為長不與下吏議位受爵為多不與下吏分利今過聽殺無罪臣之罪當死遂伏劍而死以稱朕意

唐臨累遷大理卿貞觀年間獄囚係之數對曰見囚五十餘人唯二人合死上怡然謂曰昔東宮卿已辜朕以矜昔相委故授卿此任然為國之要在用法法刻則人殘寬則失有罪惟是折中稱朕意唐史

曲盡人情

隋楊汪守大理卿帝將親省囚徒其時計囚二百餘人汪通省寃審朝而奏曲盡人情帝甚嘉之

久在廷尉

國初劇可久拜大理卿性沉毅方正在廷尉四十年用法乎允以仁慈稱分紀

超拜侍中

唐初劇可久拜大理卿性沉毅方正在廷尉四十年用法乎允以仁慈稱分紀

張文瓘兼大理卿至官旬日斷疑獄四百抵罪者無不然言文瓘有疾數日相與齋禱願其視事當時咸稱其執法平恕此戴貞焉拜待中大理諸囚一時慟哭其感動人心如此

奉法持正

鄭善果為卿奉法持正風績顯於公卿

持法明審

范說為卿持法明審並職林

戴胃據正

唐戴胃為大理卿犯顏據正多處法意隨類指擿言若湧泉

唐卿非冤

唐臨遠大理卿高宗親錄於囚前卿所斷者悉號呼稱冤臨所

入者獨無言帝怪問狀囚曰唐卿所斷既非冤濫所以絕意

得賢為盛

唐朝以來有劉德威張文瓘唐臨為大理卿設官之重得賢之盛人到于今稱之白集大李同制

治獄見稱

王殷為大理務在寬恕與鍾繇以治獄見稱同上

無阿朕意

唐貞觀八年上謂大理實誕曰法官卿為之長也朕以至公臨天下法之所行無捨親昵卿當保所長棄所短無阿朕意以虧憲典本傳

誠在王上

劉德威爲大理卿太宗問德威曰近來刑網稍密其過安在德威奏言誠在王上不由臣下人主好寬則寬好急則急律云失入減三等失出減五等今則反是無辜失出則便獲大罪所以吏各自愛競執深文非有教使之然畏罪之所致耳太宗然之更遺衣食

唐張道原拜大理卿何稠士澄得罪籍其家屬賜羣臣道原曰禍福何常安可因已之泰利人之否取其子女以爲僕妾豈仁者之心皆捨之一無所取更資以衣食遺之

不樂法家
元澹遷大理卿不樂法家因謝所居官天帳
比漢于張

唐徐有功曰身爲大理人命所繫不能順旨詭辭以求苟安時人比漢于張並唐書

稱同于張

晉潘岳楊荊州誅曰惟此大理國之憲章聽參臬呂稱侔于張初學記

不受贓錢

向敏中判大理寺時沒入祖吉贓錢分賜法吏敏中引鐘離意委珠事獨不受國史

不賀獄空

李浩大理奏結獄上顧輔臣曰棘寺當得剛正如李浩者爲之已而卿闕上曰無易李浩遂除大理卿故事寺獄空上表賀公

事文類聚新集 卷之二十一 六 德壽堂

言行錄

古今文集

雜著

刑法論

楊廷秀

臣聞古之立法不惟懲天下之已犯亦以折天下之未犯蓋已犯之必懲未犯之所以必折也是故懲之者法之義折之者法之仁義行故其仁不窮仁行故義不數仁義相有而不相無此法之利也後之法非無仁義也利未見而害先焉者義數而仁窮而已義不可數數則民怨仁不可窮窮則民狎狎則犯者衆而刑者數然則刑至於數者不生於刑之數而生於仁之窮民至於怨者不生於怨其刑而生於狎其法今夫民之情固喜溫

而惡寒欲涼而畏熱也然冬不寒夏不熱則民病而死矣人知夫法之仁也不知夫狎之而死也是故愛極者恩之所從銷寬甚者猛之所自起古之聖人其法初不及後世之備也惟使不仁之窮而民之狎也是以法立而刑不試後之法蓋詳且密矣然文詳而舉之也略網密而漏之也疎天下之民窺其略也則知其詳必至於不舉習其疎也則知其密必至於甚漏知其不舉則犯之也易知其甚漏則犯之也頻刑安得不數而民安得不怨哉嗟乎求用刑之疎者必至於用刑之數求天下之喜者必反以得天下之怨理固然也然則所謂舉之略而漏之疎者何也一日法不執而多為之歧二日法徒設而自廢其禁罪莫大於殺人罪至於殺人何以議為也則亦殺之而已漢高帝如

事文類聚新集

卷之二十七

律書

此其實仁也。入關之初，欲結天下之心，如此其亟也。欲除秦法之苛，如此其銳也。而其與民約法，亦曰殺人者死，帝不以爲疑。民亦不以爲誦，何則？上下皆便其當然也。殺人而法不從，孰不相殺，以至於大亂哉？此豈所謂當然，而天下何便於此也？故雖高帝欲取天下之速，而不敢宥殺人之罪，以誣天下之心。雖秦民之苦於秦，而不以高帝之不宥殺人爲帝之虐，然則古之立法之意可知已矣。而今之法不然，殺人一也，則有曰盜曰鬪之目焉，則有曰故曰謀曰誤之別焉。曰盜曰謀曰故者，法之所必死也。曰鬪則死生之間也。曰誤則生矣。果誤也而殺入也，又况所謂誤者，未必誤，而所謂非謀非故者，未必非謀非故也。何則？法不執而更可賣，更可賣而民可遁，有司取其獄而讀之曰：此

真誤殺也，不知夫吏之竊笑也。此之謂法不執而多爲之歧。夫民之所以畏法者，何也？非畏法也，畏刑也。法不用則爲法，法用之則爲刑。民不犯則爲法，民犯之則爲刑。是以畏之也。有法而不用，不如無法。何則？無法則民未測其罪之所當，有法而不用，則民知其法之不足，是自有法而民不忌，是故布之號令，不曰號令，而曰空言。垂之簡書，不曰簡書，而曰文具。法至於爲空言，文具是無法，賢於有法也。古之法始乎必用，而終乎無所用。今之法始乎不用，而終乎不勝用。夫法不求民之入，而拒民之入者，也。古之法民不入也，不招以入，而民之入也，不縱以出。夫惟不出，是以不入。故始乎必用，而終乎無所用。今之法有曰誣入以罪而不實者，罪之以其罪，自大辟以降，皆是物也。而用法者不

然以一夫之片紙而與大獄鞠大罪也卒之所謂大獄者初無
獄之可與所謂大罪者亦無罪之可鞠上之人則俱釋之而已
矣受誣者至於破家亡身而誣人者其極不過杖而遣則奸民
何憚而不屢誣善良以求利也哉獄訟何時而可清也故始乎
法不用而終乎法不勝用此之謂法徒設而自廢其禁蓋人有
野於宅而盜於防者其始峻其牆而止出於一門又從而衛之
以兵非以制其出者也以制其入者也夫是以盜不敢過未幾
而慮夫樵牧者出入之迂也則鑿其東而門焉又鑿其西而門
焉門多且徑而不能皆衛也則至於有門而不扃焉門多且徑
則盜從其徑者而入之矣有門不扃則羣盜掉臂而入矣法不
執而多為之改孰不從其徑而入哉法徒設而自廢其禁孰不

掉臂而入哉臣願朝廷詳慮而審處之如殺人者不以此法不
可以更議而誣訴者罪以其罪此法可以必行議其所當議而
行其所不行則成康不式之事雖未易致也而漢文幾措之風
其猶可及也歟

鳥巢大理寺獄戶賦

韓鉉

皇帝恩霑庶類道格玄功化覃於萬國之間苛慝不作鳥巢於
圜扉之內因固知空足驗時清可知刑措蒼鷹莫鷲寧懷獄吏
之憂疎網無加豈有虞人之懼定國徒美於詳明何施善政治
長不罹於縲維豈見銜冤

大理少卿

歷代沿革 後魏置少卿北齊及隋因之唐置一人宋以朝官一

事文類聚新集 卷之二十一

負兼少卿事神宗置大理獄少卿二員以蹇周輔揚汲為之
分左斷刑右治獄元豐初循唐制歸百司獄于大理周輔首
選為少卿建炎中與省大理卿而少卿二員如故元仍唐宋
舊置大理少卿

羣書要語遷少大理韓文屈居亞列未副羣情同上參典之官

南豐擬制貳正之選同上除韓晉卿

詩句佐棘竟誰同因思證聖中事雖上復報理合有陰功

古今事實

行若登仙

唐倪若水開元初班景倩自揚州採訪使入為少卿過州若水
餞于如顧左右曰班公是行若登仙吾恨不得為騶未幾入為

戶部唐書

薦為宰相

張柬之傳武后它日求人仁傑曰臣嘗薦張柬之未用也后曰
遷之矣曰臣薦宰相而為司馬非用之乃授司刑少卿唐書

真為長者

鄭利用餘慶從父兄也真長者由大理少卿為御史中丞後由

中丞為大理卿

妙選正人

唐太宗謂侍臣曰大理之職人命所懸當妙選正人用心存法
無過戴胄者乃以為少卿唐新語

所守公法

唐徐有功轉司刑少卿皇甫文備誣有功縱逆黨久之文備坐
事下獄有功出之或曰彼常陪公於歿今生之何也對曰爾所
言者私忿我所守者公法不可以私害公

緝論撼木

隋高祖禁惡錢有二人入市以惡錢易者上令斬之緝曰此人
當杖上曰撼大木不動者當退對曰臣望感天心何論動木上
乃止

孫諫走馬

孫伏伽轉大理少卿太宗嘗馬射上書諫曰臣聞千金之子坐
不垂堂百金之子立不倚衡以此言之天下之主不可履險乘
危明矣竊聞陛下猶自走馬射獵娛悅近臣竊為陛下有所不

取也此祇是少年諸王之所務豈得既為天子今日猶行此乎

陛下雖欲自輕其奈社稷天下何太宗覽之大悅

執法一心

隋趙綽為少卿時刑侍辛直嘗衣緋視上以為厭豔將斬之綽
曰據罪不當死上怒將斬之對曰執法一心不可惜死上入良
久乃釋之賜絹二百段

有司常典

源師煬帝時為大理少卿帝出顯仁宮敕衛士不得輒離所守
有一主帥私令衛士出外帝付大理師據律當徒帝令斬之師
奏曰若陛下初便殺之自可不關文墨既付有司義歸常典或
宿衛近侍更有此犯將何以加之帝乃止並隋書

論情免死

吏部尚書長孫無忌不解佩刀入東上閣門封德彝議以監門校尉不覺當死無忌罰銅二百斤戴胄駁曰若論其誤則為情一也而生死頓殊敢以向請上嘉之竟免校尉死

論獄無冤

戴胄論刑獄事皆無冤濫參處法意至折秋毫隨類指摘言若湧泉一無遺慮帝益重之

司刑平反

徐有功為少卿時周興來俊臣等羅織天下衣冠近族者數千百家有功司刑平反者不可勝紀時人方于定國

執論守正

崔亮兄元暉位宰相先是酷吏誣籍數百家元暉開陳其枉亮環劾張昌宗不執事元暉頗助環及有司正張昌宗罪而元暉弟昇為司刑少卿執論太辟兄弟守正

請崇寬簡

唐韓瑗武德初為大理少卿受詔掌定律令瑗言於高祖曰官更至公自當奉法苟若徇已豈顧刑名請崇寬簡以允惟新之望高祖然之於是採定開皇律行之

當示大信

戴胄遷大理少卿犯類執法者甚多時有託資蔭冒牒取調者詔許自首不首罪當死俄有詐得者獄具胄以法當流帝曰朕詔不首者死而今當流是示天下不以信卿賣獄耶胄曰法者

布太信於民言乃一時喜怒所發陛下以一朝忿將殺之既知不可而責於法此忍小忍有大信也若阿訖違信臣為陛下惜之帝大感悟

秦莫搖動

大和四年大理少卿崔杞奏大理寺即陛下守法之司一定之制不可搖動若朝示而暮改同罪而異刑則人何所措其手足哉續通典

號為明習

仁宗時陳太素權大理少卿又判大理寺號為明習法令國史

議頗近厚

宋少卿王表多稱長者上謂宰執曰表以淳朴治獄既要人情

又不可檢刻張守曰表雖法科議刑頗近厚言行錄

持以明恕

呂忠穆公願浩為相上謂宰執曰昨日大理少卿元袞面奏朕戒以持法明恕願浩曰惟明克允乃用刑所先也

古今文集 闕

大理寺正

歷代沿革 正周卿師之屬秦置廷尉正一人漢廷尉正監及平謂之廷尉三官秩千石梁服獬豸冠銅印墨綬第六品隋煬帝增置六人唐置二人龍朔改為詳刑大夫光宅中為司刑後復故掌議獄正科條凡丞斷罪有不當者則以法正之掌參議刑辟詳正科條之事宋神宗復置大理獄後置寺正元

事類彙編

卷之二十一

三

大理寺正

豐五年刑部奏乞分評事司直與正為斷司丞與長貳為議
司凡斷案先上正看詳當否論難改正然後過議司復議建
炎併省斷刑治獄寺正各置一員元仍宋舊置大理寺正

群書要語成獄辭吏以告于正王聽之王制鷓鴣作士雖參聽

棘之言許公集爾其明習刑書往正寺事初察制儀刑典獄惟

明克允除葉預制正於理官參贊為重南豐制

詩句古風真往哲雅道濫朝聞右獄威豪右銷時頰典墳大理

正仕章和江淹擬古章寄來詩垂印銀棘庭持斧相臺綱范成

送大理正攝御史詩

古今事實

南土秀望

晉顧榮字孝先以南土秀望累遷廷尉正

寺中二絕

宋世軌為廷尉少卿蘇軾之為正寺中語曰決定嫌疑蘇軾之
視表見裏蘇世軌人以為一絕北史

何家陰德

何氏家傳云比于夢賈客車騎滿門覺以語妻語未已有老姥
謂比于曰公有陰德今天錫君策因出懷中符策狀如簡長九
寸凡九百九十枚以授比于子孫佩佩殺者當如此自及陰徙
平陵代為名族分紀

顧協清嚴

顧協初為廷尉正冬服單薄寺卿蔡法度欲將襦與之懼其清

嚴不敢啓南史

黃霸持平

漢宣帝聞黃霸持法平召為正數決獄廷中稱平

比干濟活

漢張湯與何比干同時為寺正湯持法深而比干務仁慈數與湯爭所濟活者千數

罪有所疑

魏司馬芝遷大理正有盜官絹置都廁上者吏疑女工收以付獄芝曰刑罪之失失在苛暴今贓物先得而後訊其辭若不勝掠必致誣服誣服之情不可以折獄且簡而易從大人之化也不失有罪庸世之治耳今宥所疑以隆易從之義不亦可乎

祖從其議魏志

推察得情

蘇瓊為廷尉正時畢義雲為御史中丞以猛暴任職理官忌憚莫敢有違瓊推察務在得情雪者甚眾寺署臺按始自於瓊也北史

上應正論

唐王志愔為大理正奏言法令者人之隄防志愔則人無所禁竊見大理官負多不善法以縱罪為寬慈以守文為苛劫遂上應正論以見志唐書

奏明律令

魏陳琳橋玄奏琳明律令徵拜廷尉正

事類彙編

卷之二十一

十五

法部

持法平允

宋范旻質之子也判大理寺正持法平允太宗實錄

議獄平允

孔承恭遷大理正議獄平允權判大理少卿南豐制

諸寺部

大理寺丞

歷代沿革 晉武寧威寧中因曹志上書請廷尉置丞隋改為司
檢官唐置丞六人掌分判寺事正刑之輕重宋神宗復置大
理獄丞四員命少卿舉官元豐五年命莫若陳等九人為大
理寺丞始自朝廷差官也舊制斷刑寺丞六員建炎二年減
二員治獄寺丞減二員元仍唐宋舊制大理寺丞

群書要語前為廷丞察獄詳刑頗聞敬謹

白集行薛元賞制

茲廷尉設屬惟良爾通敏有稱宜丞寺事初察制宜丞棘路

文恭行皇甫采制往丞法卿張子諒制丞丞理宜張靖制進丞

法局徐仲容制進丞謝寺郭京制稍遷謝丞刁總制用除棘路

之丞往治竹刑之書王尹制擢丞京司典治刑謝呂湜制治謝

之丞尹立制往司李法之讞李偉制黃帝李法見漢書胡建傳

進丞卿讞晏詹制擢任法卿之丞察司刑讞之典並胡文恭行

毛維藩制法卿貴丞公是行暢均制往贊廷理符穆之制

古今事實

生歿所遇

唐杜景佺徐有功為司刑丞與來俊臣侯思止同理獄人稱之

唐杜景佺徐有功為司刑丞與來俊臣侯思止同理獄人稱之

日遇徐杜必生遇來侯必死唐書

生必不離

胡元禮自丞遷少卿嘗出一灰囚元禮判殺之曰元禮不離刑曹此人無活法李日知報曰日知不離刑曹此人無死法竟以兩狀申日知果直御史臺誌

上大寶箴

張蘊古太宗初即位上大寶箴太宗嘉之賜以束帛除大理丞初河內人李好德素有風疾而語涉妄妖蘊古究其獄稱好德癲病有徵法不當坐御史權萬紀劾蘊古情在阿縱奏事不實太宗大怒小子乃敢亂吾法邪令斬於東市太宗尋悔因發制凡夫死皆命所司五覆奏自蘊古始

解善才罪

武衛大將軍權善才坐誤斫昭陵柏樹仁傑奏罪當免職高宗令誅之仁傑曰陛下必用變法請從今日始臣不敢奉制殺善才陷陛下於無道帝意解善才因而免死並唐書

用法寬平

李日知遷司刑丞時用法嚴急日知獨寬平無冤濫者唐書

斷獄無冤

狄仁傑為大理丞周歲斷獄一萬七千人時稱平恕無冤訴者

策陳邊事

宋天聖中大理寺丞石延年上書陳十策乞選練兵級言西夏必叛朝廷不以為然及元昊反上思其言召見乞奉使河東籍

兵回稱旨上曰知卿才火矣

書言還政

石延年遷大理丞上書言天子春秋已盛太后不當聽政及奉使河東回得秘閣校勘

古今文集

古詩

江陵道中呈李孫三學士

韓愈

棲棲法曹椽何處事卑陬生平企仁義所學皆孔周蚤知大理官不列三臺儔何况清狂獄敲榜發奸偷懸知失事勢惟恐降置來恐自

大理司直

歷代沿革後魏永安二年高穆奏置司直十人位在正監上不

署曹事唯覆理御史檢勅事唐置六人掌承制出使推覆右寺有疑獄則參議之宋熙寧中置大理獄至元豐五年始命程嗣先四人為司直建炎三年詔斷刑司直兼治獄司直其治獄司直罷元仍唐宋舊置大理司直

群書要語

詩句不耻青袍故尤宜白髮新李嘉祐送韋司直西行詩清絕

聞詩語疏通豈法流傳家有衣鉢斷獄盡春秋東坡和許朝奉

詩驛驢事天子辛苦在道路司直非冗官荒山甚無趣杜甫送高司直尋封閬州詩

古今事實

馳傳決獄

事文類聚新集

卷之二十一

九

臣等謹將

唐王祚為司直馳傳決獄所至仁平唐書

連署斷獄

大理司直凡大理斷獄皆連署白氏六帖

先進魚書

司直凡承制而出先請魚書以往同上

進列理官

鍾邦彥除大理司直制云進列理官

大理評事

歷代沿革漢宣帝初於廷尉置左右平秩六百石員四人後漢光武省右平惟有左平掌平決詔獄冠法冠魏晉以來無左右兩直謂之廷尉平隋置大理評事唐貞觀中褚遂良議重

法官奏置評事十員掌出使推覆後加為十二員宋熙寧置大理獄至元豐五年始命張仲穎等十二人為評事隆興二

年詔大理評事以八員為額元仍唐宋舊置大理評事

群書要語或問近世各卿曰若張廷尉之平楊子預參評於詔

獄唐陳子昂為陳舍人議官表評刑北寺鵝鳩之政無聞同上

俾參評讞之聯胡文恭行陳知德制特寵法卿之屬俾參詔獄

之評趙真卿制對司理法之平王鑑制佐法卿之評張希甫制

升屬列卿平亭疑法陳叔度制擢任刑評崔公孺制俾評刑於

卿屬俞祐甫制刑讞是評並胡文恭行馬琮制俾參議讞初參

王恬制秋官覆天下之獄而其屬能平亭其所疑王岐公集

詩句廷評近要津杜甫送王評事勿嫌法官未登朝韓詩評事

事文類聚新集卷之三十一

不讀律博士不尋常張篤車載斗量詩 佇聞明主用豈負青雲姿岑參送頗評事 棘寺初銜命梅仙已誤身劉喜卿夜宴評事拜命詩

古今事實

擢拜理評

唐杜暹授鄭尉以清節見知華州司馬楊孚公直士也深賞重之孚遷大理正暹坐公事下法司結罪孚謂人曰若此尉得罪則公清之士何以勸矣特薦之於執政由是擢大理評事

改授殿直

有陳舜封者舉進士為大理評事因奏事頗言語捷給舉止類倡優上詰之自言其父承業善筆為都知上謂宰相曰此雜類

安得任清望官蓋執政不為國家區別品流之所致即改授殿直

其為置平

漢宣帝詔曰吏用法巧文滋深其為置亭平其務平之於是選用于定國黃霸等漢書

不宜廣濫

晉顧榮遷拜廷尉平時趙主倫欲誅淮南王元允官屬下廷尉議罪榮謂不宜廣濫倫意解賴榮濟者甚眾中興書

以行能遷

馬官行能高潔遷廷尉平並同上

上便宜除

晉何攀上便宜除廷尉平晉史

反覆詰對

敬昭道為評事時沂州有反者詰誤坐者四百餘人昭道反覆詰對執政無以奪詰誤者悉免唐新語

叱咤風生

王敬由為評事奉使河南叱咤風生到廣陵訪裴謀謀曰評公使車留此丁宿得無驚郡將乎廣記

居九寺省

唐姚正操云自余以評事入臺後相繼不絕韓琬以為不然自則天好法刑曹望居九寺之首以此評事多入臺迄今為雅例非正操所能升降也

號三緊官

又見拾遺門

拾遺立緊評事出緊赤尉坐緊緊者以其御思按覆彈射不法也故俗號三緊官又大理刑獄之司自卿已下每以明評法理者為之吏部參注拾遺評事皆以才望清高標格孤秀者著之俗號為三緊官西京雜記

古今文集

雜著

涿郡太守上宣帝書

鄭昌

聖王之法明刑者非以為理救衰亂之起也今明主躬垂明聽不置廷誅獄將自正若開後嗣不若刪定律令律令一定愚人知所避就姦吏無所弄今不正其本而置廷平以理其末政衰

德怠則廷評將招權而為亂首矣

崔評事墓銘

韓愈

君諱諭傳陵安平人通儒書江南人士多從之遊汝州刺史吳郡陸長源引為防禦判官表授試大理評事貞元十五年終于家銘曰朝之言嘻嘻夕之言怡怡皆入而出乘馬而馳一日不見而歎吁其可悲

裴評事墓誌

柳宗元

穆曰起居郎生均州刺史均州與其弟大理裴伯言更為刑部郎用文吏名于朝善杜禮書長子曰某射進士策進大理評事當伐蒸及鄆汴常為軍首贊佐有勞元和十四年終于河南銘曰世守不遷秀于士鄉不利有良爰客于梁梁秀其躬乃相戎

政官臣理屬

官臣太子舍人理屬大理評事

仍受國命南蔡北

曹五載首兵柔剛輔理乎視太平馬牛既寧告成于京棧車莫草我來周道載饑載勞神奪其孝形經于洛魂其焉如

新編古今事文類聚新集卷之二十七

事文類聚新集

卷之二十七

二十七

新編古今事文類聚新集卷之二十八

新編古今事文類聚新集卷之二十八

南江 富大用 時可 編

金陵 唐富春 子和 刊

諸寺部

大司農 附司農卿

歷代沿革 少皞氏以九扈為九農正 扈通典作鳴 因鳴鳥也鳴

有九種以焉 農號 舜命棄為后稷 播時百穀 周禮有大府掌

九賦九貢 秦為治粟內史 掌穀貨 韓信歸漢 為治粟內史 掌

九穀六畜之供 膳羞者 凡郡國諸倉農監都水六十五官皆

屬焉 通典云屬官有太倉均輸平準都內籍田五令丞 平帝

改曰義和 以劉歆為之 又改為納言 後漢為太司農 掌諸錢

唐文類聚新集

穀金帛及諸貨幣郡國四時上月且見錢穀簿邊郡諸官請
調度者皆為給報損多益寡取相給足郡國監官缺官並屬
歷代皆有置十二卿以署為寺官為春卿唐有司農卿龍
朔改為司稼咸亨復卿掌邦國倉儲委積之事摠四寺諸監
謹其出納摠上林大倉鈎盾導官四署京師百官廩祿皆仰
給焉朝會祭祀共御所須皆共焉至唐春黃帝親籍田之禮有
事於先農則奉進耒耜季冬藏米祭司農以黑牡秬黍春
啓永亦如之○**宋**司農寺判寺事二人以兩制或朝官以上
充熙寧二年立常平歛散法三年詔以新法付司農寺而農
田水利免役保甲等法悉自司農講行元豐官制行寺監不
治外事遂循唐典止其職秩司農舊職悉歸戶部右曹續會

要司農掌倉儲委積之政令總苑囿庫務之事而謹其出納
京都吏祿廩諸路歲運至京師悉掌焉凡苑囿行幸排比及
薦饗進御頒賜植藏之物與造麩藥給薪炭皆戒有司以時
辨具天子親耕籍田則奉耒耜所隸官屬凡五十倉二十有
五草場十有二排岸司四園苑四建炎三年詔罷司農寺紹
興四年復置司農寺卿少各特置一員**元**置大司農司有木
司農及卿少卿丞等員

群書要語太府掌九賦九貢注云王者王治藏之長若今司農
矣周禮太府下大夫同上九扈為九農正扈民無穉者也左傳
天倉者司農也天文要集司農少府國之泉也史游急就篇
者命人升斗斛也職在太倉司農掌之漢律歷志惟時大農爰

司金穀粒民是職帝王之盛實在農殖又曰農臣司均揚雄文

司農箴改授農政于彼野王倉盈瘦億國富兵彊文選乃司太

農掌是六府崔瑗鮑德諫陳粟萬石楊以籩之漢武帝柏梁詩

阜茂豐物和鈞關石張華箴稽臣司農同上命爾司稷之位公

是行魏於制冠儀農扈慶元制農天下之本也故國有九列而

司農氏居其一焉唐元稹行裴武授制假以秩宗之榮用制國

泉之重同上

古今事實

行不資糧

前漢鄭當時為大司農門下士貴賤亡留聞者執賓禮以下山
東諸公翕然稱鄭莊武帝曰吾聞鄭莊行千里不資糧

居處節儉

漢宣帝時北海太守朱邑以治行第一為大司農居處節儉
以清明掌

漢朱邑為大司農張敞與邑書曰足下以清明之德掌周穆之
業並漢書

以清白稱

高詡字季回以儒學徵拜大司農在朝以清白方正稱東觀漢

稱為名卿

牟融為大司農性明達稱為名卿同上

稱以清正

後漢鄭眾為司農在位以清正稱

論議便宜

耿國為大司農既邊事能論議數上便宜專天子器之

學問傳通

王孫端學問傳通為大司農

非儒不選

唐裴武授制非牟融之循理康成之儒學不在茲選元稹傳

非德不交

趙典字仲經為大司農閉門却掃非德不交並續漢志

漢崇儒學

漢崇儒學選止鄭玄注以公車徵為大司農給安車一乘所過

長吏迎送六帖

晉寵貞廉

晉寵貞廉任先崔氏注晉崔洪為司農手不執珠玉口不言花貝

財六帖

古今文集

雜著

司農寺壁記

張維

漢置九卿大司農其一也初由治粟內史錢穀之間實專其責後又置五尚書分主曹事魏稱損益之始置度支尚書掌軍國支計而大司農之職分矣其屬有度支左戶右戶倉部金部見於齊志隋更左右戶曰戶部又更度支尚書曰戶部尚書唐因之初亡所筆至中葉國用不足始置鹽鐵使繼又置度支使未

幾罷使名而以戶部侍郎判度支兼諸道租庸鹽鐵使歷五代以戶部度支鹽鐵為三司於是有三司使或以重臣判三司或以宰臣分判三司或以租庸使管轄三司至于國朝則置左右計使總計使既又罷之三司使如初元豐官制行三司并入戶部唯常平免役新法與夫農田水利則隸司農太土中興司農勿用紹興三年復置一丞而卿少主簿駸駸復矣淳熙二年春治新寺宇舊題名弗稱迺礮石以易之卿李椿屬維紀事維竊謂九卿非古也周官六卿與三少為九漢儒附會之說也今倣周制為六部以戶部掌國計而司農猶為列卿贅矣况倉儲出納自昔太倉令主之蓋太司農之屬猶今之倉部也以列卿而行太倉今日惟倉部要東是聽位雖高勢出倉部下至於軍餉

肅給罷於奔命世謂走卿辱矣維下走也不敢調辱而惟贅是羞又安能紀事乎然堯舜在上聖政日新稽古建官將又取於斯云

司農少卿

歷代沿革 後魏北齊司農寺置少卿隋唐因之宋元豐正名置少卿為卿之貳建炎三年省紹興四年復置司農卿少各一員元大司農之下有少卿

群書要語 擢貳農正 曲阜行韓正彥制 升亞列卿之秩徙司農士之生茲為稷官 胡文恭行司農少卿制

古今事實

賜絹數十四匹

皇文類聚卷之二十一 卷之三十一

唐韋機拜少卿有官者於苑中犯法機杖而後奏高宗嗔賞賜
絹數十匹

貯錢三十萬

韋機受詔檢校東都管田苑囿之事高宗謂之曰官儲隋代所
造漸將摧毀頗欲修葺又費財力如何機奏曰臣任司農尚已
十年前後省費今見貯錢三十萬貫若以供葺理可不勞而就
也上大悅同上

責任甚重

國朝莫濟除少卿自禮部員外郎除魏杞奏曰濟常中詞科且
掌南官歲奏恐議者以為躉輕未退上曰中都官不分清濁如
司農責任亦甚重以士人除授亦無害也濟尋奏久任責實詔

所論甚當國史

奏和糴沒官錢

李浩除少卿時朝廷和糴八百萬石而董事者皆有憑特賤糴
惡濕以欺沒官錢戶部不敢詰公視事即奏請下有司治大理
附會戶部以支為盤公力爭曰是非徒重竅且虧軍食上是其
議言行錄

可嘉熊本

熊本判司農寺丞神宗曰熊本不傷財不害民一旦去百年之
患檄奏詳明可嘉也東都事略

親權高夔

高夔字仲一上親權為司農少卿倉地卑君始梁空敷板米以

事類彙編

卷之二十一

六

事類彙編 卷之二十八
是不腐 周益公集

司農丞

歷代沿革 秦治粟內史有兩丞 漢司農丞亦二人或謂之中丞
平帝又置大司農部丞十三人 人部一州勸農桑 後漢司農
丞一人 部丞一人 魏晉因之 銅印黃綬 進賢一梁冠 宋晉以
黑綬 唐有六人 掌判寺事 少卿為卿貳 而丞丞領寺事 宋新
法行 呂惠卿請始置司農寺丞一員 以農田水利免役保甲
之法付司農 熙寧五年增置丞四員 仍與簿輪出按察 遂州
保甲 元豐四年舒亶請止留丞一員 餘並罷 明年改制以司
農舊職悉付戶部 右曹而始循唐興正其秩職 建炎三年詔
罷司農寺 紹興三年復置寺丞二員 元大司農司有司典丞

群書要語

擢貳農正

曲阜制

大農事歸地官而丞事一簡

藤城

行禮執制

厚亦自將其身 蹈履繩檢 擢丞農扈 以試兩能

張于

湖行呂摺除費丞制

古今事實

給邊省運

唐耿壽昌為大司農中丞 奏設常平倉 給北邊省轉運

管諸會計

桑弘羊為大司農中丞 管諸會計事 漢書

介通嚴恕

宋朝葉顥字子昂 謚正簡 迂司農寺丞 在朝三年 非公事未嘗
至丞相府 樞密王綸知公恬退而未知其德性 欲試以事 一日

事文類聚新集

卷之二十八

七終

官誥院失錦一端命公治之公請寬其慢藏之罪於是綸大喜
謂其客曰葉寺丞介而嚴通而恕真重器也 楊誠齋集

新編古今事文類聚新集卷之二十九

南江 富大用 時可 編
金陵 唐富春 子和 刊

諸監部

秘書監

歷代沿革 周外史掌四方之志三皇五帝之書漢圖籍所在有
石渠石室延閣廣內貯之於外府又有御史中丞居殿中掌
蘭臺秘書及麒麟天祿二閣藏之於內禁後漢圖書在東觀
相帶始置秘書監一人掌典圖書古今文字考合同異屬太
常以其掌圖書祕記故曰祕書 魏武帝初置祕書儀依御史
臺又置祕書令典尚書奏事 卽中書令之任 文帝置中書令

而秘書改令為監以王象領秘書監撰皇覽掌藝文圖籍之事初屬少府自王肅為監乃不屬其蘭臺亦藏書書籍而史掌之武帝以秘書併入中書省其秘書著作之局不廢惠帝復別置秘書寺併統著作局掌二閣圖書自是秘書之府始居於外宋齊因之梁改為秘書省陳及後魏亦以秘書與尚書中書同下集書為五省北齊依魏制後周春官府置外史下大夫掌書籍此秘書監之任也而秘監亦領著作監掌國史隋秘書省領著作大史二曹後又改監為令唐武德初改為監龍朔二年改秘書省為蘭臺改監為太史天授初改秘書省為麟閣神龍初復舊掌經籍圖書領著作大史二局通判省事少監為之貳其後國史太史分為別曹而秘書省

主書寫校勘而已宋太平興國二年始建崇文院昭文館史館集賢院皆總為崇文院及崇拱初建秘閣擇二館書集真本并內出右書墨迹等藏之亦在崇文院中淳化元年詔秘

閣次三館秘書省仍隸京百司時秘書雖有監少監丞郎校書郎正字著作郎佐皆以為寄祿官常帶出入秘監即今中大夫也即官至秘書監有特令供職者有以他官兼領者有以判秘閣官兼判者至道中宋以翰林學士承旨兼秘書監淳化中李至自前執政以禮部侍郎兼秘書監祥符九年楊億以秘書監判秘閣兼秘書省事凡邦國經籍圖書悉歸秘閣而秘書所掌常祭祀祝版而已兩朝國史志元豐正名以崇文院為秘書省既罷館職國初三館直館直校勘通謂之

館職必試而命不試而命者皆異恩 盡以三館職專歸秘書

省置秘書省職事官自監少至正字不願他局初除龍圖閣

學士王勝之為秘書監時寄祿官已正議大夫蓋裕陵欲重

此選又勝之惟有文學故也監掌書籍圖史天文曆數之事

屬有五著作佐郎秘書校書正字各以職隸於長貳惟日曆

非編修官不預宣和初改元豐之制增定為十八員以倣唐

登瀛之數建炎三年罷紹興元年復置舊秘書省建於禁中

至是權寓臨安府法惠寺十四年創新省於大井巷之左五

年立定十八人為額太史局文德殿鍾洵所隸焉隆興元年

詔監少丞外以七員為額二年詔依祖宗舊法更不立額元

置秘書監掌經籍圖書頒著作等局司夫臺隸焉其屬有秘

書少監秘書丞校書郎等員

群書要語孫伯廙司晉之典籍左傳又有承明金馬著作之庭

班固西都賦有辟雍東觀蘭臺石室宣明鴻都之藏後漢儒林

序蘭臺秘書省署耳魚豢魏略御府秘書外府也韓送鄭校理

序秘監曰太蓬鄭氏談綺秘書不是監以其職品清重非他監

比也因話錄矧上清之冊府伴方丈之仙瀛歲表類秘府藏書

雲委簡編之富瀛洲通籍朋來俊乂之游拜賦清都來華裁

室道家蓬萊重踐育材之地朱鸞素鵠羣翔於崑閬之庭

神蕙丹芸列植於雲霄之囿神經秘牒俛窺東觀之書乘

穩問漢取忘意於英躔入館登瀛遠叨名於仙籍書局備員

入預書林蘭臺金馬天祿石渠既伴東壁二星之躔又曰

上帝羣王之府，籤帶紛紜聚四部之學以充其內，紳綏輝煥擇一時之俊以游其間，並同上謂當扣翠微而排閭闔，何為羞崑崙而薄蓬萊，張子胡啓蓬島獲窺於國史，揚億代表芸香之職，自草紫泥之詔，遂違羣王之峯，並同上。

詩句綠編方委閣，素簡日盈輕，沉約並入紅蘭署，偏親白玉規，白樂天秘書何寂寂，無乃羈英豪，李白贈韋秘書暫阻蓬萊客，終為大海人，杜甫寄題鄭秘監湖上蓬萊閣連，杜詩鴛鴦叨聖閣，麒麟帶玉除，杜贈才子入秘書。

古今事實

仙室蓬觀

嶠後漢書曰學者稱東觀為老氏藏室道家蓬萊山東觀

經籍多蓬萊海中神山為仙府幽經秘錄皆在焉又王融曲水詩記言事於蓬觀謂藏室也

外臺內閣

太和中秘書丞薛夏嘗以公事移蘭臺蘭臺自一臺也而秘書署耳謂夏為不得儀也推使當有坐者夏報之曰蘭臺為外臺秘書為內閣臺閣一也何不可相移之有蘭臺屈無以折自是之後遂以為常魏志王肅傳

秘府之室

漢以天下文籍悉在廣內秘府之室謂之秘書漢書

策府之山

穆天子西登崑崙見王母曰登已至于郡主之山先王所謂策

府也穆天子傳

稱曰麟室

唐藏書之地有昭文崇文之館有集賢書院有修文弘文司文
以至蓬萊書殿曰乾元修書院曰秘書內外省曰內庫曰三館
曰秘書祕府曰蘭臺麟室六帖

改為麟臺

漢御史中丞在殿中掌蘭臺秘書圖籍唐以秘書省為蘭臺漢
西京未央宮中有麒麟閣亦藏秘書即楊雄校書之處也唐改
秘書為麟臺六典

故稱芸臺

芸香辟紙魚蠹故藏書臺稱芸臺魚豢典要又陳子昂集芸局

都與見天下之圖

謂之木夫

內諸司舍唯祕閣最宏壯穹窿高敞相傳謂之木夫同上

省多文士

後魏世祖欲用伊馥為尚書馥辭曰中秘一省多諸文士請參
其次遂拜中護軍秘書監

書為中經

荀勗與張華依劉向別錄整治書籍亂者以為中經

十八學士

太宗為秦王銳意經籍於宮城之西門建文學館以待四方之
士於是杜如晦房元齡等並以本官兼弘文館學士圖其形狀

上命褚亮為贊藏之書府故號十八學士時人謂之登瀛洲

四明狂客

賀知章授秘書監自號四明狂客及秘書外監

稱其五絕

虞世南為秘書監太宗稱其五絕一德行二忠直三博學四文

辭五書翰並唐書

謂之五絕

秘書省內有落星石薛少保畫鶴賀章監草書郎餘令畫鳳相傳號為四絕元和中韓公武為秘書郎挾彈中鶴一眼時謂之

五絕職林

自撰竹書

荀勗領秘書監汲冢中得竹書勗自撰次經傳關文多所明

自作石頌

西京秘書省廳事前有隕星石隋自咸陽移置於此王邵作瑞

石頌以贊美之西京雜記

以為病坊

唐以監雖清雅而實非要劇權貴子弟及好利誇侈者率不好此職以監為宰相病坊丞及著作郎為尚書郎病坊秘書郎及著作佐郎為監察御史病坊類要

以為登瀛

建炎南渡稍置館職紹興定制除監丞外以著作郎佐郎秘書郎校書正字通十一員為額倣唐瀛洲十八學士之數宋齊

隨筆

徑濟清要

秘書監其迂出他司非郎官即御史自乾道以後有旨須曾任知縣始得除臺察曾任郡守始得為郎三館之士固無有歷此者於是朝廷欲越次擢用乃以為將作軍器少監既班在郎上則無所不可為欲徑濟清要者則由著作秘郎而拜左右二史不然不過兼權省郎年歲間求一郡而去而御史之除皆歸六院矣同上

一見秘書

李邕見特進李嶠自言讀書未遍願一見秘書假直秘書未幾辭去嶠試問與篇隱帙了辨如響唐書

二入東觀

詔曰尚書率嶠體素弘簡文雅皆通歷覽古今博聞多識著書實錄有良史之志轉為秘書監其加散騎常侍班同中書寺為內臺使中書散騎著作及治亂音律天文數術南省文章門下撰集皆典領之嶠表謝云伏見詔書以臣為秘書加位常伯昔劉向父子世典史籍馬融通傳二入東觀非臣庸淺所敢比迹華嶠集

圖籍博學

唐國朝已來有魏徵虞世南顏籀為秘書監設官之重得賢之盛入到于今稱之以文學博雅長圖籍長秘府白居易許貴同制自重其官自遠其道思與虞顏為比同上

事文類聚新集

卷之二十九

上

圖書養性

宋真宗以楊徽之兼秘書監占謝便殿命坐屏左右上勞問父之且曰圖書之府清靜無事可以養性也

校定秘籍

魏徵遷秘書監奏引學者校定四部書自是秘府圖籍燦然備

參預朝政

魏徵為秘書監參預朝政

談論規諷

虞世南為秘書監太宗引之談論及古今帝王行政得失必存規諷太宗謂侍臣曰朕因暇日每與世南商略古今朕有一言之善世南未嘗不悅有一言之失未嘗不恨恨朕嘗戲作豔詩

世南進曰聖作雖工體制非雅上之所好下必隨之此文一行恐致風靡不敢奉詔其懇誠若此唐書

論議持正

世南已衰老屢乞骸骨不聽遷太子右庶子固辭改秘書監外若不勝衣而中抗烈論議持正太宗常出行有司請載副書以從帝曰虞世南在不使朕此行也世南薨帝曰石渠東觀之中無復人矣世南著北堂書抄盛行於代廣記

兼該詞學

太宗以顏師古體業淹和器用詳敏學該淹洽詞兼曲麗命為秘書監

讚述符命

事文類聚新集

東峻自司空長史轉秘書監幽讚述符命天文地理因有述焉

以文章召

歐陽修以文章名冠天下景祐初召試為館閣校勘東都事畧

以文士直

李進中傳蘇易簡與太宗論文士因及建中太宗亦素知之命

直昭文館

更迭補外

乾道元年二月詔館職所以招延天下之英俊苟不親更事知

民情則將來何以備公卿之任今後更迭補外孝宗會要

同在館閣

宋綬字公垂年十五召試中書真宗奇其文聽於秘閣讀書父

之召試學士院為集賢校理與父郊同在世以為榮同上

賜飛帛書

宋太宗飛帛秘閣二字賜李至高宗賜御書石文殿牌仍詔將

作監米有仁書道山堂牌

賜紫童服

淳熙五年孝宗幸秘書省御製詩一首賜宰臣史浩以下秘書

監陳騏少監鄭丙賜紫童服

作白頭老

張齊賢改秘書監致仕嘗出謁其子曰昔賀秘監以道士服東

歸會稽太人盍衣羽服以優游何必更事請謁齊賢曰吾且作

白頭老監枕書而眠何必學賀老作流沙之服時以為名言

勝枝頭乾

元祐初用治平故事命大臣薦士試館職一時名士在館率論
資考次遷未有越次進用者皆有滯留之難張文潛晁無咎俱
在其間一日二人閱朝報見蘇子由自中書舍人除戶部侍郎
無咎以為平緩曰子由由此除不離核謂如果之粘核者文潛曰
豈不勝汝枝頭乾乎聞者皆大笑東北有季每熟不得摘轉便
摘土人因取藏之故謂之枝頭乾並同上

舉其秀異

張舜明字芸叟元初初司馬光舉舜明才氣秀爽剛直敢言召
試秘書校理東都事略

稱曰遺逸

謝靈運為秘監秘閣之遺逸本朝實錄

宣明史籍

晉桓帝延熹二年初置秘書監溫嶠舉荀崧為秘書監曰國史
之興將明得失之迹謂之實錄使一代之典煥然可觀散騎常
侍崧文質彬彬思義通博歷位先朝蒞事以穆宣掌秘與宣明
史籍東觀漢記

刊正奇字

唐顏師古為秘書監專典刊正所有奇書難字衆所共惑隨疑
剖析曲盡其源

刻置木偶

柳誓煬帝嗣位拜秘書監退朝之後便命入閣言宴諷讀終日

而罷帝每與嬪后對酒時逢與會輒遣命之至與同榻共席恩
若友朋帝猶恨不能夜召於是命刻木偶人施關機能坐起拜
伏以象於誓帝每月下對酒輒令官人置之於座與相酬酢而
為歡笑按隋書作柳望未詳望音辯

羸若枯藤

至道中賈黃中自澶州受代赴闕先豐碩堆壯自是頓羸瘵鬱
若枯藤上於之拜禮部侍郎兼秘書監以黃中素嗜文集而秘
府無事優之也

古今文集

雜著

代宰臣以下賀車駕幸秘書省表 呂伯泰

東觀書林久俟漢儀之觀西覽策府載贍用馭之臨嗣三紀之
閑墓軼百王之盛節中賀切以斯文崇替與世降升自我祖宗
嚴載籍萃藏之地于時典冊踵乘輿游幸之書從容箴誨之求
廣大峻良之聚炎圖再造萃省一新爰親御於右文用仰繩於
前武重明善繼大極丕承之夜牘陳念初載縑羅之不易昕朝
班入思中興儲養之有原乃臨二館髦彥之躔乃展列聖圖書
之與帝暉下矚光榮河溫洛之藏天藻昭垂跨過沛橫汾之詠
湛露不醇醲之惠承雲宣純繹之音一曰萬機曾靡齋居之暇
九流七略獨煩清蹕之留蓋以恢稽古尚德之風夫豈為飾治
樂成之舉聲明布濩慶澤汪洋恭惟皇帝陛下秩敘邦經裁成
王度多聞將求建事既惠顧於簡編太享所以養賢復均盼於

有醉主心興起雅道流行臣等服在具僚身逢昌會第從臣之
頌敢揚薦於鴻休近天子之光請具宣於德意

登秘書省閣詩序

楊盈川

若夫麒麟鳳凰之署三臺四部之經周王羣王之山漢帝蓬萊
之室觀星文而攷南北大象入於機衡披帝冊而管龍神負圖
出於河洛司先王之載籍掌制書之典謨劉向沉研揚雄寂寞
之士於茲翰墨馬融該博傳毅文章之才此焉游處莫不出言
斯善有道則尊輔觀其德行珥璋其事業心同匪石達人千載
之交手握靈珠文事一都之會海泓寡務油素多閑命蘭芷之
君子坐芸香之秘閣徒觀其重欄四絕閣道三休紅染紫柱金
鋪玉礪平着日月唐都之物候可知坐望山川裴秀之輿圖在

即虹蜺爲之回帶寒暑由其隔闕豈直崑崙十一瀛海千尋西
州有百尺之樓東郭有千秋之觀千時五行金王八月秋分風
生閭闔之門日在中衡之道煙雲悽慘白露下而四郊空林野
滄茫青天高而九州迥登山臨水無非宋王之詞高閣連雲有
似安仁之興列方饌命雕觴扼腕抵掌劇談戲笑假使神仙可
得自羨松喬富貴在天終經許史間之以搏奕申之以詠謠陶
陶然樂在其中矣登高而賦羣公陳力於太夫聞善若驚下走
自強於玄晏輕爲序引綴在辭章

館閣續題名記

張宿

上即位之五年實紹興改元歲在辛亥二月丙戌詔以多難未
弭人才爲急其復秘書省直監若少監一人丞著作郎佐郎各

一人校書正字各二人以待四方雋傑之士又參酌舊制校書郎正字召試學士院而後命之自是祿求闕文補綴漏逸而四庫書籍亦云略備矣越三載即秘書省復建史館以修神宗哲宗兩朝實錄選本省官兼檢討校勘官侍從官充修撰明年詔倣唐十八學士之制監少丞外置著作佐郎秘書郎各二員校書郎正字通十一員立為定額又明年移史館於省之側別為一所以增重其事而校勘官或以他官兼之至紹興九年修徽宗皇帝實錄乃即史館開實錄院以本省官或他官兼檢討以修撰官如史館例明年未修正史詔罷史館併為實錄院以正名實而著作局唯修纂日曆為凡在茲選均謂之館職所以儲蓄英髦以備任使臺諫禁從於此乎取之故所除授纔十五六

而員額之闕幾半蓋遴選也異日謀謨廟堂安社稷於談笑功名於竹帛者不無其人豈但摩研編削將以頌中興永聖德為太平之文飾而已哉宦材朽學落五年間再獲遺跡英游實與榮幸竊惟祖宗三館秘閣之制因革損益麟臺故事載之詳矣獨紹興以來題名未有石刻則擢序之先後居職之久近歲月遷改將無所徵於是作館閣續題名記且使來者可述焉紹興一年七月記

古詩

和閣老舍人曝書會詩

錢穆父

天祿圖書府芸籤歲曝頻
 縑經窮藏室賜會集儒紳
 顧陸高標好鍾王妙入神
 司無藪俗吏來預石渠賓

和秘閣曝書會詩

薛之奇

宴丘迨儒雅，簪纓成禮容。中天開壁府，左海見鰲峯。汗簡陳三館，湘圖喚九重。紫薇方思敏，十吏筆能供。

律詩

和車駕幸秘書省一首

呂伯恭

麟臺高柳識雕輿，共記中興幸省初。黃道再傳天子蹕，青編重入史臣書。需雲下際君恩盛，晨露高張樂節舒。若為鴻猷參大雅，定非周鼓頌田漁。

又

紫清丹極與天鄰，闔闔乾坤繫笑頰。獨為斯文同一顧，笑吟吾道直千鈞。先主舊物參差見，列聖明謨次第陳。墨客區區感榮

遇豈知深處在，彝倫

恭和御製秋日幸秘書省近體詩

呂伯恭

麟閣龍旂日月章，中興再見赭袍光。仰觀焜燿人文盛，始識扶持德意長。功利從今卑管晏，浮華自昔陋盧王。顧將實學酬天造，敢效明河織女襄。

恭和御筆幸秘書省詩二首

周必大

羣玉西崑富典章，二星東壁燦輝光。秋花迎仗千叢麗，法曲傳觴九奏長。虎將縱觀修舊事，象冠倍侍仰明王。政修即是攘戎策，穢沓殘衣豈足襄。

又

蟠木離奇愧豫章，幾年封植荷恩光。石渠久綴英髦後，金鎖深

斷學識長御墨奎文瞻列聖雷尊象島備三王願言作德酬榮
遇寧復矜才似智襄

送孫從之祕監歸朝供職

周必大

蚤看鷗鵬萬里風晚陪劍履大明宮誰知九郡提封廣還許三
年使事同我合掛冠尋舊隱君當補家用新功中興成事人應
說五紀吾邦四少蓬

秘閣伴直

鄭谷

秘閣鎖書深牆南別晚岑吏人同野鹿庭水似山林淺井寒無
入迴廊疊舞侵閑看薛稷鶴共起五湖心

寄胡文定及劉恭父

朱元晦

先生去上芸香閣閣老新我象角冠留取幽人臥空谷一川風

月要入看

送胡文定秘閣供職

朱元晦

祖餞衣符滿道周此行誰與話端由心知不作功名計只為蒼
生未敢休

東觀曝書會詩

孔常甫

書會青雲事來遊羣主峯琅函窺一一金鑰發重重

送鄒懷英

張孝祥

往昔干官班渠曾綴袵今者尺一追問津承明廬蓬萊道家
山紫極帝所居功名儻來爾步武當徐徐

秘省後廳

白居易

槐花雨潤新秋地桐葉風飄欲夜天盡日後廳無一事白頭老

監枕書眠

戲酬盧秘書

王建

共香閣裏人採摘御園春取此和仙藥猶治老病身

呈袁秘書

劉克莊

近自頻聞有峻除人傳君相重師儒細旃坐穩方輪講羣玉峯
高末更秩別後曾過東閣否新來已乞鑑湖無幾時供帳都門
外真寫先生作畫圖

偶作寄王秘書

齊己

七絲湘水秋深夜五字河邊日暮時借問秘書郎此意靜彈高
詠有誰知

詩話

詠石榴詩

孔紹安太業末為監察御史時高祖為隋討賊於河東詔紹安
監高祖之軍深見接遇及高祖受禪紹安自洛陽間行來奔高
祖見之甚悅拜內史舍人時夏侯端亦嘗為御史監高祖軍先
歸朝秘書監紹安因侍宴應詠石榴曰祗為時來晚開花不
及春時人稱之

秘書少監

歷代公董隋煬帝置一人後又改為令唐龍朔中改為侍郎神
龍初復太極元年增少監為二員通判省事宋初為寄祿
官元豐正名始實有職事初除葉均繼除孫覺皆一時選也
掌貳書籍國史天文曆數之事元秘書監之下有秘書少監

事類彙編

卷之二十一

十一

詩見秘書監沿革

羣書要語

還貳書省

曲阜制

豈惟典領圖籍為縉紳之榮庶以

收集賢材增朝廷之重

同上

詩句 學蔚醇儒安

杜贈少監蘇源明文

包舊史善

同上

秘書茂

松意

同上

班秩兼通貴公侯出異人

杜寄李十五秘書

古今事實

儒素見稱

王紹宗秘書少監侍皇太子讀書紹宗性澹雅以儒素見稱朝廷之士咸仰慕之

才德兼茂

蕭德言年老請致仕太宗不許詔曰頃年已來天下無事方欲

建禮作樂偃武修文卿年齒已衰教將何恃所冀本德兼茂臥振高風使濟南伏生復在於茲且關西孔子故顯於當今拜秘書少監

刊正書字

見前秘書監

刊定圖籍

韋繩天寶初入為秘書少監玄宗尚文視其職如尚書水即繩刊定圖籍以善稱職

父子並命

趙崇儒拜翰林學士時父驊遷秘書少監德宗欲寵其門一日並命

事文類聚新集

卷之二十一

一

秘書監

兄弟繼職

王珣為少監數年而弟璠繼職

說臺閣典章

宋朝直秘閣曾幾謚又清入對上大悅以為秘書少監幾承平時已為是職每與同舍會說前輩言行臺閣典章從容竟自

修五朝大典

汪大猷字仲嘉除秘書少監當修神宗以來會要大猷率僚屬分纂上聞之為置局命宰臣提舉書奏五朝之大典始備

魏集

具疏引古誼

上念孫逢吉久外嘗聞孫某好士人召為秘書少監上朝謁重

華官不以時公數具疏引古誼深言又率同館論奏

落筆如泉湧

王安中字履道自號初寮先生以文學知名有密薦於上者除著佐除月紫京召相見賓更引入俄抵一室置几案筆硯有小黃門至云大師致意文字封呈啓之則某誥某詔若詩西掖三題者履道落筆如泉湧閱三月內批除中書舍人遂改秘書

古今文集

雜著

辭免秘書少監兼權直學士院奏狀

周必大

冒膺兼組增震孤衷切以貳職仙蓬攝官禁苑俱為清選專用

名儒伏念臣蚤謨聖知中歸農畝八歲傾心於天日一朝稽首於軒墀辱臨遣之温言將遣驅於暑路忽叨改命太過初心惟舊學之素迂加比年之病志雖厚恩未報詎敢忘魏闕之存然薄技無堪恐難寓禁林之直固有令行而或反仰祈人欲之從

劉放秘書少監制

錢 綱

學者以東觀為老氏藏室道家蓬萊山而國家所以涵養令器待才用者之宅也以爾放詞藝之富回翔之久擢或厥官益將試用

古詩

和孫莘老少監

黃山谷

上帝羣王府道家蓬萊山延閣排霄起圖書擅榮觀宮槐綠窓

外岑絕非世間王度日修飭文章麗朝班國器攻杞梓珍祥掄孔鸞中臺省符移僚屬禮數實台藻聞英鑿賞音發清彈儒林數耆舊少監髮新斑

和孫少監

黃山谷

道山鄰日月清樾深牖戶同舍多望節閑官無窘步少監巖壑姿宿昔廊廟具行趨補衮職黼黻我王度律詩

再任秘書少監

洪王甫

再入蘭臺逢舊史重遊東觀閱新書家徒四壁今無屋誰為君王奏于虛

寄孫少監

秦少游

天上圖書幾似舊。人間歲月浪如馳。驚頭只見蓬山伴。行赴蟠桃熟後期。

秘書丞

歷代沿革 魏武帝置秘書左右丞以劉放孫資充之典尚書奏事後省晉以秘書八中書謂之中書秘書丞惠帝又置秘書丞宋齊並一人梁陳後魏北齊皆因之後周柳蚪為秘書丞時秘書雖領著作不參史事因蚪為丞始令監掌唐龍朔二年改為蘭臺大夫咸亨復舊掌府事勾稽省署抄自宋淳化六年詔秘書監丞仍舊惟無定員及不專職分蒞中外之任元豐正名始定為職事官掌參領書籍國史天文歷數之事元有秘書丞在秘書少監之下詳見秘書監沿革

羣書要語

俄遷秘書丞司文天閣文選褚淵碑 秘府丞屬職在

清華

初寮除姚宰制 丞于秘丘胡文恭制 丞清聯於本省陳藻

進丞秘局

范徽之制

詩句

盛業光書府 徵人盡國英原乾曜和赴集賢院宴詩 直事

披三省重關秘七門

宋之間冬夜寓直麟閣 縱欲披前史貧難

遂此心

張茶秘書伴直 莫將芸閣輕科第須作人間第一人趙

胡瞻李秘書

古今事實

絳服黑綬

晉令秘書丞品第六 銅印黑綬 進賢一梁冠絳朝服

銅印黃綬

事類彙編

梁增品第五秩六百石銅印黃綬

直乘鹿車

秘書丞即乘鹿車不得朝服失崇儒本意王肅表論

若在雞羣

晉稽紹雅有文才山濤啓武帝可秘書郎帝曰如卿所言乃堪為丞何但郎也乃起家為丞紹始入浴或謂王戎曰昨於稠人中見紹昂昂然若野鶴之在雞羣晉書

職近日月

魏王肅言秘書丞即與博士議郎同職近日月宜在三臺上秘書丞即宜比尚書丞郎魏志

學編古今

庾峻字山甫好學有才思轉遷秘書丞編觀古今聞見益廣王隱晉書

呼為薛君

魏文帝與薛夏推論書傳未嘗不終日每呼之不吝謂之薛君並同上

繆以為郎

何禎為許都賦封上帝異之下公車特徵到用為尚書郎詔用為秘書丞主者繆以為郎後月餘禎關事上問曰吾本用禎為丞何故為郎案主者罪遂為丞本傳

天水此丞

薛夏字宣聲天水人也博學有才文帝嘉其才黃初中為秘書

事文類聚新集 卷之二十九 二十 德壽堂梓

丞征東將軍曹休來朝時帝方與夏有所咨論而休到帝引
入坐定帝引夏出謂休曰此君秘書丞天水薛宣聲也其見遇
如此

起家為丞

見前若在雞羣注

著書敘錄

後漢李彪遷秘書丞分領著撰事自元成帝已來至於大和
浩高尤著述因書編年敘錄為春秋之體創為紀傳表志之
數奏文賦

嚴苞黃初中以高才入為秘書丞數奏文賦帝異之

魏畧

王檢求校

王檢字仲實為秘書丞上表求校墳典依七略撰七志四十卷
獻之齊書

栢嗣知名

晉中興書栢嗣少知名初拜秘書丞遷秘書郎

須得才人

魏文帝用何植為秘書丞敕云此職須得才人

處以清官

齊張率遷秘書丞高祖曰秘書丞天下清官東南曾緒未有為
之者今以相處為卿定名譽

曰第一官

梁劉孝綽除秘書丞武帝曰第十官當與第一人

惟得一人

隋姚察入為秘書丞文帝指謂朝臣曰聞姚察學行當今無比我乎陳惟得此一人隋書

秘書郎

歷代沿革後漢馬融為秘書郎詣東觀與校書及魏武建國又置管以劉劭為之出乘鹿車晉掌中外三閣經書校閱脫誤亦謂之郎中武帝分秘書圖籍為甲乙丙丁四部定中外四部經書覆校闕遺正定脫誤使秘書郎中四人各掌其一宋除中字晉因之尤為美職皆為甲族起家之選待次入補梁多以貴遊子弟為之陳著令令僕子起家為之後魏置四人至北齊又增中字謂之郎中隋祖諱中除中字唐分判校

寫工程龍朔中改為蘭臺郎咸亨復舊天授初曰麟臺郎神龍初復舊唐秘書郎二人掌四部圖籍皆有三本一曰正二曰副三曰貯宋初為寄祿官元豐正名始有職掌刊為分貯集賢院史館昭文館秘閣經籍則秘書郎主之元祐四年秘書郎並除陸朝知縣已上資序人任滿除集賢校理紹聖初罷校理亦置秘書郎之職

羣書要語

發秘府覽書林

楊雄劇秦美新論

校理則用天下之名士能文學者

輿廳碑記

圖籍之府命汝為郎

白樂天制

持三寸筆終入芸香

之閣

陳子昂集

石渠司籍

陳希烈制

身登三閣

陸機制表

秘書

郎掌中外三閣秘書也

延真冊府

初察除孫近制

職清秩美

事文類聚新集

卷之二十一

二十一

南豐擬制

詩句蓬山振雄筆

李白上君白玉堂

杜甫

飛騰知有策意度不

無伸

杜寄十五秘書

漸階羣振鷺入學詣

韓愈答張秘書

清省宜寒夜仙才稱獨吟

喻坦之和范秘書省中詩

君詩多態

度諠諠春空雲東野動驚俗天葩吐奇芬張籍學古淡軒鶴避

雞羣

韓醉贈張秘書

靡無與丹桂奇心復奇骨已敵蒼龍門又

影鳳凰闕

吳均贈柳秘書

古今事實

典校秘書

後漢馬融有後才為秘書郎詣東觀典校秘書時儒士以為文德可興武功宜廢遂獲寬符之禮戰陳之法融上廣成頌以諷

諫許旨滯於東觀十年不得調後在東觀著述馬融才高博洽為世通儒

審正圖籍

後魏高謐字安平有文武才度天安中以功臣子召入禁中除秘書郎專典秘閣謐以墳典殘闕奏廣訪郡邑大加繕寫由是圖籍稍以審正

專精學問

司馬彪少篤學不倦不交人事專精學問泰始中為秘書郎又轉為丞虞預晉書

編觀圖籍

張纘字伯緒為秘書郎因求不遷欲編觀閣內圖籍晉書

海內類聚新集

卷之二十一

三十四

思三都賦

左思專思三都賦自以所見不博求為秘書郎同上

博十年學

賈咸授秘書郎不肯調者十年其學益博

弱冠齊客

王謐弱冠有美譽與王綬齊客除秘書郎 晉中興書

別駕後召

魏王基字伯與黃初中察孝廉除郎中時青土初定刺史王凌特表請基為別駕後召為秘書郎凌復請還頃之司徒王朗辟基凌不遣朗書劾州曰凡家臣之良則升于公輔公臣之良則入於王職是故古者侯伯有重士之禮今州取宿衛之臣留秘

閣之吏所希聞也

五歲見奇

魏鍾會字士季少敏惠夙成中護軍蔣濟著論謂觀其眸子足以知人會生五歲見濟濟甚奇之正始中為秘書郎

十五對策

王承字安期七歲通易選補國子生十五對策高帝除秘書郎 有限有競

王敬弘子恢之為秘書郎敬弘求為奉朝請與恢之書曰秘書有限故有競朝請無限故無競吾欲處汝無競之地於是文帝許之 宋書

不清不要

李素立武德初以親喪解官起授七品清要有司擬羅州司戶

參軍帝曰要而不清復擬秘書郎清而不要

朱紫今別

鄭默為秘書郎刪省舊文除其浮穢著魏中經時中書令虞松曰而今後朱紫別矣王隱晉書

簡素不同

蕭惠開家雖貴戚而車服簡素初為秘書郎秘書著作並名家年少惠問意趣與之多不同比肩三年不共語沈約宋書

宋袁製詩

宋袁勤學好屬文在陳時釋褐為秘書郎嘗製千字詩當時以為盛作陳後主聞名八禁中使為月賦袁染翰立成後主曰觀

謝希逸不能獨美於前矣又使為芝草嘉蓮二頌深見賞重

上官視草

唐上官儀遷秘書郎太宗每屬文遣儀視草工詩人謂之上體

休沐誦書

任敬為秘書休沐合門誦書

元日奏頌

唐岑文本除秘書郎元日奏籍田三元頌文致華贍

率同館奏

國朝彭忠肅公龜年除秘書郎時傳召姜特立公曰丞相留公恐非虛傳既而果然公引李絳事求退公率同館論奏且勉樞廷爭之遂寢樓攻魏集

又次秘書

秘書張闡忠肅公時秦檜用事每除臺諫必以其耳自知闡
次喜論事一日微諷闡謂當入臺闡曰丞相苟見知老死秘書
足矣秦檜默然由是罷去

古今文集

雜著

秘書郎壁記

權德輿

按六典秘書郎四人從六品上分掌四部書以甲乙丙丁爲之
目昔漢武帝聚天下文籍於廣內謂之中秘書魏晉之際秘書
與中書或分或合故云職近日月宜居二臺之上丞郎之位與
南宮相亞歷代辨論與時輕重國初思漢庭延閣之制薄江左

貴遊之選始以岑江陵虞永興褚河南迭爲之厥後彬彬多文
學之士然則先王之法忠官師之訓典九流百代如貫珠然李
與仕皆優而旋相爲用者其在茲乎今年春榮陽鄭君具瞻自
涇陽尉承詔授任鄭君質重而有敏行坦夷而含胡識且今中
書相君之令弟也方以結綬滿歲調於選部言吏資者積三遷
而後至今超居之有以見申恩審官與怡怡綽綽之道爲盡美
矣在晉鄭默領中外三閣始刪煩文而朱紫不雜開元初君之
王考頴川府君叔祖刑部府君皆孫禮官博士繼登其任諸父
諸兄或解巾以司離校或功次而奉朝請含章筮仕多在於斯
猶相公武公之代爲卿士蓋善於其職而宜之之義也謂鄙人
嘗學舊史能知書府官業之所繇是俾編次卽位章施屋壁時貞

元庚辰秋七月記

辭免秘書郎狀

朱元晦

聞命震驚。罔知所措。切以聖王寤寐俊傑。圖起事功。片善才長。靡不收用。巖穴幽隱。亦弗棄遺。遂使妄庸。有此遭遇。恩德隆重。捧戴難勝。豈敢飾詞。逡避以孤獎拔之意。然竊惟國家開建圖書之府。所以儲蓄秀異之才。選試有程。未始輕授。即以奉守為職。雖異典校之官。然自昔相承。或用以處老成耆德之士。如嘉凡陋。豈所克堪。今若貪冒寵榮。不自量度。此必坐取嘲笑。以累聖王知人之明。又况頃年。屢以多病不才。懇辭召命。已蒙聖慈。洞照肺腑。蓋既隣其愛君憂國。粗有畎畝夙夜之誠。而又知其衰朽無庸。重閱勞以官職之事故。凡所以假借褒嘉。惠養全

活之意。雖非愚賤之所當得。然天地父母委曲生成之恩。則有不可以終辭者。此熹所以懇辭踰年而卒。盖有拜明命且復具以此意附奏陳謝。其所以感恩自誓之誠。皦然而不可欺者。今乃欲因聖王前日所以假借惠養之資。而遂寅緣以冒進擢無涯之寵。則是古人所謂登龍斷而左右望。以罔市利者。不惟士夫清議有所不貸。而熹之不肖。亦竊羞之。是以恐懼回皇。不敢祗受。

校書郎

歷代沿革。漢之蘭臺及後漢東觀。皆藏書之室。當時文學之士。使離校於其中。故有校書之職。初漢成帝已命光祿大夫劉向於天祿閣校經傳諸子詩賦。步兵校尉任宏校兵書。太史

令尹咸校數術太醫監李柱國校方伎後以諸大夫楊雄等

亦典校於其中又選他官入東觀皆令典校秘書或撰述傳

記蓋有校書之任而未為官也故以郎居其任則謂之校書

郎明帝召班固謂校書郎除蘭臺令史後遷為郎典校秘書

又劉珍與校書郎劉駒駱馬融校定東觀五經傳記百家藝

術整齊脫誤校正文字又楊終徵詣蘭臺拜校書郎實章為

東觀校書郎以郎中居其任則謂之校書郎中後漢蔡邕拜

郎中校書東觀又馬融為校書郎中講東觀典校秘書當時

重其職故學者稱東觀為老氏藏室道家蓬萊山至自漢魏

歷晉宋齊梁陳皆博學之士往往以他官典校秘書至後魏

秘書省始置秘書校書郎後周屬春官之外史唐掌讎校典

籍為文士起家之良選其弘文崇文館著作司經局並有校

書之官皆為美職而秘書省為最校書郎十八正九品上掌

讎校典籍刊正文字皆辨其訛繆以正四庫之國史焉宋初

為寄祿官元豐正名始實有職掌編輯校正定其脫誤則校

書郎主之建炎初罷紹興復置又秦酌舊制必召試學士院

而後命之元秘書省置校書郎

羣書要語校理校文西都賦典校蓬山白集臺有蘭芳閣有芸

白樂天賦典校延閣服膺羣書杜牧之行制類分溫媪之疑仍

懼魯魚之繆以披湘帙粗定鉛黃開運二年進唐書表官聯秘

閣職在校文六帖官惟司典職在校文同上無府校讎之官以

待儒學之士曲阜除孔武仲制典校書林王暫制中校秘圖有

令尹咸校數術太醫監李柱國校方伎後以諸大夫楊雄等

辨章訂正之益胡文恭制

詩句益脫校書郎武后時人風流半刺史清絕校書郎東坡擁

書天祿閣奇字校偏傍王荆公詩並入紅蘭省偏親白玉規蓋

為校書郎也元集醉白樂天之詩才子富文率校讎天祿閣韓

退之述鄭校理校書著作類召除猶能正車問何如黃山谷卷

裏詩過一千首白頭來作校書郎白居易與王建終朝守玉署

方夜旁石扉劉孝綽校書秘書省雪夜詠懷校又在仙掖每有

滄洲心儲光義耐菘校書忽從被褐中召入承明宮盧象贈程

校書

古今事實

青藜照書

劉向校書天祿閣夜有老人植青藜杖杖端出火以照向曰我
是太乙之精天帝聞卯金之姓有博學者下而觀焉拾遺記

白虎考論

東漢楊終顯宗時拜校書郎上言宣帝論定五經於石渠閣令
追如故事於是招諸儒於白虎觀考論異同

詔領秘書

前漢劉向字子政遷光祿大夫而上方精於詩書觀古文詔向
領校中秘書本傳

賜副秘書

城游與劉向校秘書每奏事游以選受詔進讀羣書上望其能
賜以秘書之副

神童校書

楊炯幼聰敏博學善屬文神童舉拜校書郎

進士中補

白居易敏悟絕人擢進士拔萃皆中補校書郎唐書

講究傳記

劉歆與父向頌校秘書講六藝傳記諸子無所不究

窮覽典籍

東漢馬融拜校秘書郎中在東觀十年窮覽典籍上廣成頌漢書

整齊脫誤

劉珍永初中鄧太后詔與五經博士校定東觀五經諸子傳記
百家藝術整齊脫誤定正文字

校閱書籍

段成式以蔭官入為校書郎研精苦學秘書閣書籍校閱皆遍

可比衛公

孔季翊初擢制科授校書郎陳子昂稱其神清韻遠可比衛公
並唐書

可為國器

房元齡校讎秘書有高孝基謂裴矩曰僕觀人多矣未有如此
郎者當為國器但悵悵不見其脊壑昂霄唐書

畫像勸學

高彪校書東觀後遷內黃令帝勅同寮臨祖送於上東門詔東
觀畫彪以勸學者東漢書

騎驢詠詩

開元中校書正字俸祿微少孤寒英傑者居之或不辨正字乘驢入省時有語曰正字校書詠詩騎驢祥見太社令

作神雀頌

賈逵自童兒常在太學諸儒為之語曰問事不休賈長頭顯宗時有神雀集宮殿府帝勅蘭臺給筆札使作神雀頌拜為郎與班固並校書應對左右

作顯宗頌

傳毅字武仲肅宗召文雅之士以毅為蘭臺令史拜郎中與班固賈逵共典校書毅追美孝明帝功德最盛而廟頌未立乃依清廟作顯宗頌十篇奏之由是文雅顯于朝廷並同上

以賞盡言

鄭鑑字自明試館職上問今合除何官龔茂良對曰前此學官召試往往止除正字上曰可除校書郎賞其盡言因曰策中所言或是或非大率剗切不易

以非急務

後漢盧植在東觀校中書帝以非急務轉為待中

求正六經

後漢蔡邕拜郎中校書東觀以去聖久遠文字多繆乃求正定六經文字自書冊於碑始立摹寫者車乘百千餘兩

詭論大將

宋朝張公闡字大猷為校書郎時諸大將持功邀爵賞又時禁

專文類聚新集 卷之二十一
衛單寡公上疏極論之厥後稍進退諸將召諸道兵補三衛關
額往往符公言周益公集

為復禮卿

唐徐岱於學無所不通辨論明銳座人常屈大曆中劉晏表為
校書郎觀察使李栖筠欽其賢署所居為復禮卿名達於朝

號益脫郎

唐武后時官濫人謠曰補闕連車載拾遺和斗量權推侍御史
益脫校書郎

未嘗一至門

陳公輔自國佐除校書郎公初入館閣時蔡京王黼當國無所
附麗未嘗一至門言行錄

未嘗詣執政

陳正獻公俊卿以秘書省校書郎召非公事未嘗詣執政楊誠齋文

屏事益讀書

王文定公准為校書郎既入館屏去人事益讀未竟書休假亦
入抵暮始歸樓攻魏集

安分不介意

汪莊敏公澈遷校書郎安分無求視同舍郎數遷殊不介意周益公集

古今文集

雜著

事文類聚新集

卷之二十一

二十三

送鄭涵校理序

韓愈

秘書御府也天子始更聚書集賢殿別置校讎官曰學士曰校理常以寵丞相為大學士其他學士皆達官也校理則用天下之名能文學者苟在選不計其秩次由是集賢之書盛積盡秘書所有不能處其半書日益多官日益重四年鄭生涵始以長安尉選為校理人皆曰是宰相子能恭儉守教訓好古義施於文辭者如是而在選公卿士大夫家選之子弟其勤耳矣愈事相公二為屬吏今生始進仕獲重語於天下而慊慊若不足真能守其家法矣

古詩

題登瀛圖

韓子蒼

咸平中天開帝居郡公下直承明廬韓侯畫此時無虞瀛洲仙人樂有餘我生不及首觀初却恨十年身校書吟詩天街騎蹇驢爾來戎馬爭馳駘把卷未展先歛歔

送李校書

杜甫

李舟名父子清峻流輩伯人間好妙年不必須白哲十五富文史十八足賓客十九授校書二十聲輝赫

題李白畫像

韓子蒼

玉堂學士今劉向禁直岩堯九天上不須對此融心神會植青藜夜相訪

聞富季申遷校書郎作

晁以道

小富從來慰所望青衫敘進校書郎相公勲業久彌著孫子門

闌漸有光莫話詩過已埋沒且非盤脫得分張
律詩

送吉校書東歸

司空曙

少年共閱吏罷直暫歸休獨與親知別行逢江海秋聽猿看楚岫隨鴈到吳洲處處園林好何人待子猷

代秘書贈弘文館諸校書

李商隱

清切曹司近玉除比來秋興復何如崇文館裏丹霜後無限紅梨憶校書

和寄韋校書

陸龜蒙

萬古風烟滿故都清才搜括妙無餘可中寄與芸香客便是江南地理書

酬韋校書

薛濤

芸香誤比荆山玉那似登科甲乙年澹拖鮮風將綺思飄花散
藥媚青天

寄子先校書

黃山谷

我觀李校書超邁有古風談道屢入微閉門長蒿蓬
合張徹校書

韓退之

清墨竄舊史磨丹注前經義死手秘寶丈堂耳驚霆
寄黃魯直校書

賀方回

材如杞梓各稱良海內知名獨豫章終歲且留天祿閣入看應
魏紫微郎

早稲田大学図書館

011488554125